

已修補矣其餘小小處則待秋成畢築為當○臺諫啓前事不允○夜  
良巽方有氣如火○戊午臺諫啓前事又曰李孟柳以敗軍事推問  
而使保放軍法當嚴請囚禁推之東宮官屬所以保養世子不可徒具  
官而已近見兵曹不擇賢否而多用有過之人今不可盡啓擇其尤甚  
者啓之翊衛金義錫人物庸劣司禦崔仁壽安子謙皆泛濫入也衛率  
柳茂瀆持身不謹洗馬尹元亮愚劣皆不合於東宮侍衛職請皆竄差且  
金義錫孽弟元錫以毆打嫡兄流配已久頃因兄義錫上言竟蒙宥放  
然其罪實關綱常不可輕赦且近來京外凶荒太甚請老病服藥婚姻  
祭祀射侯處分雖壹酒一禁傳曰用儉事不允李孟為賊所傷若被囚  
疾病則後雖欲致之於罪不可得故姑令保放待珪至並推矣東宮僚  
屬所當精擇然翊衛司不如侍講之例而西班職也不必改也金元錫  
事其兄義錫至再上言分揀赦之不可改也酒禁其依啓○取文科李  
效忠等三十人○已未 御朝講臺諫啓前事不允○三公議啓曰鶴  
年同生非獨均也亦多有之不可獨放然 先王朝亦有大罪延坐者  
特放之時裁有 上斷何如○以朴閔卿為司憲府執義史臣曰朴閔  
卿性醇而質厚敬以持心簡以行已居官莅事一出於正前為宜寧縣